

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE

Gradonačelnik

Broj: 01/2-04-89- 592/22

Živinice, 19.04.2022. godine

Na osnovu člana 38. Statuta Grada Živinice („Službeni glasnik Grada Živinice“, broj: 5/19 i 9/21), člana 14. stava 3. Odluke o stipendiranju učenika srednjih škola i studenata dodiplomskog studija (Broj: 01/2-04-89-435/2022 od 25.03.2022.godine) koje se dodjeljuju iz Budžeta grada Živinice, Gradonačelnik raspisuje

Javni poziv
za dodjelu stipendija redovnim učenicima srednjih škola
za školsku 2021/22 godinu

Član 1.

Predmet Javnog poziva je dodjela stipendija za školsku 2021/22 godinu iz Budžeta Grada Živinice za redovne učenike srednjih škola, sa područja Grada Živinice, koji ne primaju stipendiju, kredit ili drugu novčanu nagradu za školovanje od drugog davaoca, te učenici koji su prvi put upisali razred srednje škole u tekućoj školskoj godini za koju se dodjeljuje stipendija.

Član 2.

U školskoj **2021/22** godini dodijelit će se 57 (pedeset sedam) stipendija učenicima srednjih škola ili 40% od ukupno raspoloživih sredstava u Budžetu Grada Živinice za 2022. godinu, za ove namjene.

Stipendije se dodjeljuju učenicima srednjih škola u mjesečnom iznosu od 70,00 KM, odnosno 700,00KM za navedenu školsku godinu.

Član 3.

Uslovi za dodjelu stipendija učenicima srednjih škola su:

- da imaju mjesto prebivališta na području grada Živinice;
- da imaju status redovnog učenika srednje škole i da su prvi put upisali odgovarajući razred srednje škole u tekućoj školskoj godini, za koju se dodjeljuje stipendija;
- da ne primaju stipendiju, kredit ili drugu novčanu nagradu za školovanje od drugog davaoca.

Član 4.

Lista dobitnika stipendija za učenike srednje škole koji ispunjavaju uslove iz člana 3. Javnog poziva a koji su definisani članom 9., 10. i 11 Odluke o stipendiranju učenika srednjih škola i studenata dodiplomskog studija utvrđuje se na osnovu slijedećih kriterija:

1. Učenik generacije;

2. Uspjeh u učenju od V-IX razreda osnovne škole za učenike prvog razred srednje škole, a za drugi, treći i četvrti razred uvjerenje sa utvrđenim prosjekom ocjena za predhodni razred;
3. Materijalni položaj;
4. Socijalni položaj.

Učenici generacije osnovnih škola, koji za ostvarivanje prava na stipendiju konkurišu kao učenici prvog razreda srednje škole, a koji imaju prebivalište u Gradu Živinice, uvrstavaju se na Rang listu učenika, bez bodovanja kao prvorangirani po abecednom redu ukoliko ih ima više, uz napomenu da se na Rang listu uvrstavaju kao učenici generacije.

Član 5.

Podnosioci prijave na Javni poziv dužni su dostaviti slijedeću obaveznu dokumentaciju:

1. Prijavu na Javni poziv za dodjelu stipendija u školskoj 2021/22 godini, popunjena i potpisana od strane roditelja/staratelja učenika, odnosno punoljetnog učenika - (***Prilog br. 1.***);
2. CIPS obrazac (MUP TK, Odjeljenje za administraciju Živinice) - original ili ovjerena kopija;
3. Uvjerenje da je redovan učenik i da je prvi puta upisao školsku 2021/22 godinu u odgovarajući razred srednje škole (obrazovna ustanova) - original ili ovjerena kopija;
4. Izjava podnosioca prijave da ne prima stipendiju, kredit ili neku drugu novčanu nakandu za školovanje - potpisana i ovjerena kod nadležne gradske službe ili notara - (***Prilog br. 2.***);
5. Izjava o visini dodatnih prihoda punoljetnih članova domaćinstava koji su navedeni na kućnoj listi, za čije dodatne prihode nije moguće obezbjediti pismene dokaze ovjerena kod nadležne gradske službe ili notara - (***Prilog br. 3.***).

Napomena: Učenici generacije ne dostavljaju izjavu pod tačkom 5.

Ukoliko podnosilac prijave za dodjelu stipendije po kriterijima “uspjeh u učenju” i “materijalni položaj” ne dostavi potrebnu dokumentaciju tražnu Javnim pozivom kojom se dokazuje prosječna ocjena i prihodi po članu užeg domaćinstva, takve prijave će se odbaciti kao nepotpune, a za nedostavljanje dokumentacije po kriteriju “socijalni položaj” kojom se dokazuje pripadnosti odgovarajućoj kategoriji stanovništva, podnosiocu prijave za dodjelu stipendije neće se dodjeljivati bodovi.

Član 6.

Za ispunjavanje uslova iz člana 4. Javnog poziva potrebno je priložiti:

1. za kriterij “**učenik generacije**”

- Učenici prvog razreda srednje škole prilažu diplomu “Učenik generacije” - ovjerena kopija;

2. za kriterij “**uspjeh u učenju**” priložiti:

- Učenici prvog razreda srednje škole prilažu svjedočanstva o završenim razredima osnovne škole od (V-IX razreda) - ovjerene kopije;

- Učenici ostalih razreda srednje škole prilažu uvjerenje sa utvrđenim prosjekom ocjena u predhodnoj završenoj školskoj godini, odnosno za predhodno završeni razred (obrazovna ustanova) - original ili ovjerena kopija;

3. za kriterij “**materijalni položaj**” priložiti:

- Kućna lista kandidata na kojoj su navedeni svi članovi porodičnog domaćinstva popunjena i potpisana od strane roditelja/staratelja odnosno punoljetnog učenika (*Članom užeg prodičnog domaćinstva podrazumijeva se bračni partner, oćuh, maćeha, usvojitelj, usvojenik, djeca,*

roditelji, braća i sestre ako sa studentom žive u zajedničkom domaćinstvu) - Nadležna gradska služba - original;

- Uvjerenje o redovnom školovanju/studiranju za sve članove porodičnog domaćinstva, navedene na kućnoj listi, koji se nalaze na redovnom školovanju/studiranju (Ustanova visokog, srednjeg ili osnovnog obrazovanja) - original ili ovjerena kopija;

- Dokaz o zaposlenju i visini stalnih prihoda za sve punoljetne članove porodičnog domaćinstva (Poslodavac kod kojeg je zaposlen, PIO/MIO, Porezna uprava FBiH) - original ili ovjerena kopija:

a) tri posljednje platne liste ovjerene potpisom i pečatom poslodavca ili uvjerenje poslodavca o visini posljednje tri mjesečne plate - original ili ovjerena kopija;

b) ček od PIO posljednje penzije – ovjerena kopija;

c) za lica koja imaju registrovanu samostalnu djelatnost obrazac 2002 o plaćenim doprinosima za posljednja tri mjeseca - original ili ovjerena kopija;

- Uvjerenje službe za zapošljavanje za sve nezaposlene članove domaćinstva, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove domaćinstva kao dokaz o statusu nezaposlenosti (Služba za zapošljavanje ili Porezna uprava FBiH, Porezna ispostava Živinice) - original ili ovjerena kopija);

- Dokaz o dodatni prihodima punoljetnih članova domaćinstva (prihodi po propisima o boračko-invalidskoj zaštiti, prihodi po propisima o zaštiti civilnih žrtava rata, stalna novčana pomoć, socijalna pomoć, naknada za njegu i pomoć drugog lica, prihodi od dopunske djelatnosti odnosno dopunskog rada, prihodi od izdavanja zemljišta, stambenog ili poslovnog prostora u zakup, prihodi po osnovu članstva u skupštini, upravnom ili nadzornom odboru ustanove ili preduzeća, drugi dodatni prihodi, ugovori i slično) - Pravni subjekti u kojima su angažovani punoljetni članovi domaćinstva, JU “Centar za socijalni rad” Živinice, Nadležna gradska služba ili notar, original ili ovjerena kopija;

4. za kriterij “**socijalni položaj**” priložiti:

- za učenika člana porodice šehida ili poginulih boraca i ratnih vojnih invalida kopija prvostepenog ili revizionog rješenja - posljednje rješenje na snazi (Gradska služba za boračko-invalidsku zaštitu) - original ili ovjerena kopija;

- za demobilisane borce i dijete demobilisanog borca dokaz o pripadnosti branilačkoj populaciji koji izdaje nadležni organ odbrane (Federalno ministarstvo za pitanje boraca i invalida odbrambeno oslobodilačkog rata - Grupe za pitanja evidencije iz oblasti vojne obaveze - original ili ovjerena kopija;

Podnosioci prijave za dodjelu stipendija iz porodice branilaca, ostvaruju prioritet u stipendiranju na naprijed navedeni način, ukoliko je učenik član porodice branioca, koji je u sastavu oružanih snaga (Armija RBiH, Hrvatskog vijeća odbrane i policije nadležnog organa unutrašnjih poslova) proveo najmanje 12 mjeseci, u periodu od 18.09.1991.-22.04.1996. godine.

- za civilne žrtve rata ili djecu bez roditeljskog staranja dokaz o statusu civilne žrtve rata (JU “Centar za socijalni rad”) - original ili ovjerena kopija.

Član 7.

Kod ostvarenog istog broja bodova na rang listi učenika prednost se ostvaruje po slijedećem redoslijedu:

-učenik iz porodice šehida ili poginulog borca,

-učenik iz porodice RVI sa većim procentom invalidnosti,

-učenik iz porodice nazaposlenih demobilisanih boraca Armije BiH, HVO i MUP-a,

- učenik iz porodice zaposlenih demobilisanih boraca Armije BiH, HVO i MUP-a,
- učenik bez roditeljskog staranja,
- učenik djeteta civilne žrtve rata,
- bolja prosječna ocjena izračunata po kriteriju "uspeh u učenju" zaokružena na dvije decimale,
- manji prihodi po članu užeg porodičnog domaćinstva zaokruženi na dvije decimale - materijalni položaj.

Član 8.

Gradonačelnik zadržava pravo da u svako vrijeme poništi javni poziv, ako procjeni da za to postoje opravdani razlozi.

Član 9.

Javni Poziv ostaje otvoren 15 dana od dana objavljivanja na Web stranici grada Živinice. Prijava na Javni poziv sa potrebnom dokumentacijom se podnosi u zatvorenoj kovrti preporučeno putem pošte na adresu:
Grad Živinice, ul. "Alije Izetbegovića" br.28 ili na pisarnicu Gradske uprave sa naznakom "**Prijava na Javni poziv za dodjelu stipendija učenicima za školsku 2021/22 godinu**".

Obrazac prijave na Javni poziv, obrazac Izjave da učenik ne prima stipendiju, kredit ili neku drugu novčanu naknadu za školovanje od drugog davaoca i obrazac Izjave o visini dodatnih prihoda punoljetnih članova domaćinstva koji se navedeni na kućnoj listi može se preuzeti na Info pultu u Centru za pružanje usluga građanima /šalter sali ili na Web stranici Grada Živinice. **Učenici su dužni uz prijavu na Javni poziv dostaviti i kopiju ličnog tekućeg računa na koji će se uplatiti finansijska sredstva, ukoliko budu dobitnici stipendija.**

Svi dokumenti koji se prilažu na Javni poziv moraju biti originali ili ovjerene kopije.

Dostavljena dokumentacija po Javnom pozivu se neće vraćati.

Učenici su prilikom prijave na Javni poziv obavezni koristiti obrasce koji su navedeni u Javnom pozivu i iste svojeručno popuniti i potpisati ukoliko su punoljetni odnosno roditelj/staratelj za maloljetne podnosice.

Nepotpune i neblagovremene prijave neće se uzeti u razmatranje.

Dostavljeno:

- 1.Oglasna tabla Grada Živinice,
- 2.Web stranica grada Živinice,
- 3.TV Živinice,
- 4.a/a

Gradonačelnik

doc.dr.sc.Samir Kamenjaković